



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Panis benedictus in apostolorum quoq[ue] manibus est auctus. Cap.
XXXVIII.

urn:nbn:de:hbz:466:1-30114

Panis benedictus in apostolorum quoq; manibus est

auctus. Cap. XXXIII.

A Sed & per apostolorum manus, & in eorum manibus dum panes & pisces istos benedictos populo, verbum Dei omni creaturæ prædicando proponunt: multiplicantur. Quia dum sancti prædicatores legem Dei faciendo & docendo populo proponunt, tunc & ipsi fufius per vñtionem spiritus verbū dei extendunt, profundius scrutantur, & clarius quàm antea intelligunt, atq; copiosius, editis libris abscondita illius, producūt in lucem. Hoc in apostolorum epistolis, in sanctorum doctorū scriptis, factum esse, & semper fieri videmus. In mensa item credentium & in manibus (vt dicit Hilarius) crescebat & crescit vsque in hodiernum diem, benedicta à Christo panis vitæ substantia. Nam boni & recti corde, voluntatem habentes in lege domini, dum verbum Dei audiunt & custodiunt, ruminant, scrutantur, & in corde suo conferunt, multa ex auditis colligunt & intelligunt, quæ à prædicatore nō audierunt: Vñctio illos, quam habent à sancto, docet de omnibus quæ necessaria & vtilia sunt saluti eorum.

Quid duodecim cophini impleti, significant.

Caput XXXV.

A Nec otiosum est, quòd discipulī duodecim cophinos fragmentorum, quæ superauerunt eis qui manducauerant & saturati erant, collegerunt. Nam dum turbæ satiatae sunt per verbi Dei prædicationem, multa supersunt altiora fidei mysteria, quæ illi nō possunt capere: & profectionis documenta, quæ non possunt seruare. At apostolici viri, & quicunq; perfecti sunt cum apostolo, ea debent colligere ne pereant in suas sportas librorum, & æmulatoribus meliorum charismatum, Christumq; quocunq;

Matt. 28.

Act. 1.

Matt. 5.

Rom. 11.

Iob 28.

Luc. 11.

Ioan. 5.

1. Ioan. 2.

Phil. 3.

1. Cor. 12.

Apo. 14.